

明代傳記叢刊・綜錄類③⑥
周駿富輯

明分省人物考(十)

(明)過庭訓纂集

明文書局印行

人物考卷之八十九目錄

河南彰德府

郭資

石璞

蘭從善

翟政

周晟

劉潺

李和

李顯

徐憲

樊凱

崔陞

李鎡

賈錠

崔銑

張士隆

馬卿

ノ事クハノ片ニ
ノ事クハノ片ニ

張衍瑞

王勲

葛覃

郭樸

李秦

王邦直

河南衛輝府

邢冕

靳義

郭欽

馬英

周鳳

王嵩

李文泰

原潔

劉璋

陳曄

陳玉

馬龍

李光幹

潘鐸

李可登

劉珪

蔡揚金

陰秉暘

河南懷慶府

郎敏

蓋霖

劉幹

王黻

王懋

何珙

劉涇

本朝分省人物考卷之八十九

河南彰德府

郭資

郭資字存性彰德府武安縣人自幼志氣超羣弱冠入邑庠從師受春秋有所造就洪武辛酉入太學甲子領應天府鄉薦明年乙丑進士初爲戶科庶吉士改戶部主事丁外艱服闋實授本部湖廣司主事吏不容奸聲譽頓起陞都察院左僉都御史無何尚書郁新以才薦之授前北平布政司右叅議蒞事之初卽以本司弊政爲言太祖嘉其忠直陞本司右布

政資悉心殫慮贊佐有方不數月陞左布政使精勤
詳慎紀綱大振豪猾歛跡良善獲安時 成祖在藩
邸尤愛重之資有所言無不聽納及起義靖難命資
城守撫輯兵民供給糧餉百費所需未嘗乏誤嘗以
漢蕭何擬之 成祖卽位論功召陞戶部尚書 賜
白金文綺楮幣視諸伯未閱月以北平重地命掌布
政司事未幾 詔建北平設行部拜資行部尚書資
以北地軍民初安生業始遂而官司所費冗濫當樽
節以恤下乃惓惓以祛弊舉廢爲務或有不悅而謗
資者 成祖聞之降勅愾諭益以心膂任之滿考賜

宴內廷頒勅獎諭歲辛丑定都北京革行部調資戶
部職務叢脞資勤以率下百事修舉 仁宗嗣位加
太子太師蹇義夏原吉數短於上謂資偏執妨事且
病令致仕 上意不然間以語大學士楊士奇曰
先皇興義旅一切軍需糧餉皆出資調度及吾昔居
守甚得資力其人亦才且誠今必如二臣請是吾危
則任人安卽棄之吾誠不忍士奇對曰故舊無大故
不棄此 皇上盛德顧資疆毅人不得干以私但
詔勅所蠲租稅資必責有司依歲額徵此過之大者
誠如二臣言然耿介守廉非衆所及 上曰吾在此

復有原吉與同事彼雖偏執莫能行也已竟罷政事
賜璽書歸武安資歸 上念之不已間謂士奇等曰
無使大臣怨乎不以資其謂我何 命戶部給半俸
復其家 宣皇嗣位詔起資爲戶部尚書免朝謁資
視事勤雖大風雨不避僚吏敬憚滿考 賜宴於禮
部獎以勅書譬資如歲寒松柏愈老愈勁其優待隆
厚若此宣德癸丑十二月疾劇屢言蒙被 朝廷重
任無以効報爲愧切切訓諸子及孫當感恩思報不
及家事以卒年七十三 上深悼惜爲資罷朝遣禮
部尚書胡濙賜祭勅工部製棺營葬贈進光祿大夫

柱國湯陰伯謚忠襄官其子倬爲戶部廣東清吏司主事卒之日家無餘貲公卿大夫皆往哭弔致奠祭自始仕至老家視國事凡所施爲毅然自任不畏強禦怨有弗避害有弗辭與人辯論嚴厲之氣見於辭色而推之於政略無害人蠹物之心所居在馬莊村顏垣樸舍未嘗治第府城故人稱其有守云

石璞

石璞字仲玉臨漳人永樂庚子鄉貢入太學初爲監察御史宣德中遷江西按察副使按察使山西布政使璞剛介有治才所在著稱在江西時民娶婦三日

矣壻婦往拜其家壻先歸婦後失之徧索不獲婦翁
訟壻殺女壻不勝撈掠自誣服云棄尸前塘中官使
人求之果得尸獄成獨璞疑曰殺其人而棄尸非深
怨者不如是也彼初婚方燕好胡乃爾爾乃齋沐夜
香祝曰此獄關綱常萬一其婦與人私其夫既受
屈名又枉死於理安邪夜夢人贈一麥字璞思曰兩
人夾一人也獄有歸矣比明械囚首令待時行刑囚
未出璞見一童子竊向門內窺璞令人召入曰爾羽
客胡爲至此得非爾師令爾偵某囚事乎童子大驚
吐實果二道士素與婦通見匿之槁麥中江西人號

曰斷鬼石在山西時議修堯廟一夕大風拔木積廟前皆棟梁材後進工部尚書正統戊辰河決滎陽經漕濮至陽穀入漕河潰沙灣東隄入于海命璞治之河決口塞明年已巳處州盜起命璞討平之景泰辛未也先寇獨石命璞兼大理寺卿往璞充餉勒兵修垣守險 康定帝賜璽書曰爾忠勤善謀素爲邊人信故爾事平進太子太保改兵部尚書丙子湖廣苗叛奸民李珍魏玄冲往爲向道引之寇掠作讖文于湖湘訛言日騰民用大擾又命璞往璞以計生得珍玄冲檻送京師苗平還治部事數年致仕天順庚辰

英皇召大學士李賢謂曰石璞純臣也聞其尚健
然貧爲我以璽書召來至京師 上召見文華殿璞
服素袍繫角帶入 上曰吾賜爾緋玉敝乎璞叩頭

曰臣平生以孤忠奮無結納今臣自分填溝壑矣

詔至臣自知亡他途必臣有罪當誅遣耳 上說是

時璞微賸乃命掌南京都察院事成化初致仕歸五
年卒初璞在山西時其夫人與諸僚妻燕歸愷曰彼
多金珠綺采吾布裙襖甚不稱布政妻也璞曰爾何
坐曰席首曰使吾墨于憲汝安得居此座且吾素不
以妻子故宦彼金珠綺采者後欲居汝席得乎明年

其夫果有以墨罷者自大司馬歸彰德買田百餘畝
貧不能治第爲別業一高平渠南但傍岸作屋三楹
卑甚且閭屋左茅舍一內僅一畝有安陽人自典史
歸璞往其家盛治具几上陳銀器前列金杯十餘璞
見之問曰爾宦幾年曰未一考也曰胡歸乎曰刁民
誣吾貪奪職曰使吾治爾爾焉能還鄉里哉拂衣出
其廉介性成若此

蘭從善

蘭從善字從善磁州人山陰陵縣教諭遷揚州府學
教授 宣皇爲皇太孫志慕堯舜 文皇擇天下名

儒輔之中選者毋得拘階序從善召授翰林編修與
王值錢習禮十五人日侍講讀從善行端貌重所論
上皆帝王之道閱十年從善遷贊善 宣皇爲皇太
子從善自侍讀遷洗馬 宣皇嗣位同事者皆遷門
要甚者卽拜尚書而從善獨與王值留滯不調遷者
得志逞氣勢焰赫赫從善日坐東閣中細書暇則取
秘書讀遇休沐與抑菴公載酒郊遊覽勝賦詩意泊
如也又數年以久次遷學士 上方嚮學從善以舊
臣見信用每進講多鄉音 上曰久宦不改其素從
善其君子哉年七十援例求謝事上慰留之又四年